


正德潁州志

天一閣藏明代方志選刊

潁州志

重修潁州誌序



凡士君子著作纂述蓋必
以培植人心維持教化而關世
道之重輕則作之者為無愧寶
之者為有光矣不若是雖無作
可也潁州舊有志書其朴畧不

可觀成化丁酉年二守劉公節奉
命來守是邦蚤作暮思惓惓以淑
人心敷教化為首務越明年政
通人和百廢具舉公餘徧閱載
籍稽諸遺老叅以舊聞重加脩
輯舊者釐新者續訛者訂闕者

補卷分類別事核理明蓋一郡
之全書近世以來未之有也恨
未能鋟刻以廣其傳公不幸以
疾卒于官裔是無有承公志者
是書幾於無所附麗而公之志
孤矣余少辱知于公得而寶之

不啻拱壁深欲壽諸梓以與州
人共之顧其時力未能為也幸
忝第甲科拜憲職遷浙臬始得
節倖以成其美余惟郡志之作
非徒以廣記載備考訂而已也
蓋將表其山川之美人物之盛

風俗之淳可以為養人心興教
化之助耳使後之產於其鄉者
或慕于善將指而勸曰吾茲產
也吾何以無愧吾潁山川也何
以無愧吾潁人物也何以無愧
吾潁風俗也寔焉有以養其華

或懼于咎將指而戒曰吾茲產
也吾何以愧吾潁山川也何以
愧吾潁人物也何以愧吾潁風
俗也反之有以去其穢則是志
之作所以培植人心維持教化
有關於世道也亦重矣哉若夫

分野疆域之有定界戶口賦役
之有定數城池橋梁祠廟墳墓
之有定所特其餘耳公傳於家
者狀元之學脩於身者立教之
本不獲大用于時竟賡志以歿
而其可傳者賴有此耳故余謹

書之以為後之求牧與芻於吾
郡者告且以告吾郡士民焉耳
是為序時

正德六年歲在辛未八月吉日
賜進士第奉議大夫浙江按察司
僉事前河南道監察御史郡人

儲珊書



重修潁州志序終

潁州志凡例

一採摭疆域事類於寰宇記風土記輿地記晉隋
宋元州郡志記

大明一統志及史傳勝覽拾遺諸書叅詳

一纂述事件揭題目於前大書其綱分註事實有
補於事辭繁不殺其無益者傳實亦削

一纂識山川所以志地道之形勝險易如郭景純
山海經州境中惟有淮水本末酈道元水經始
載淮汝潁經流夫以州介河淮無崇山峻嶺惟

平崗小阜地多坡下故溝港甚多泛收並錄豈
採訪以資遊觀直欲識蓄洩利害

一古蹟採摭有典故載古志非耳目所及隱於子
史百氏者近似必錄其名實荒唐者不纂

一鄉井及物產泛記並錄以見地利之盛

一版籍貢賦宜當詳書而前此無從於考况今土
著亦勝國之流移故家舊人寥寥無幾所可知
者目前爾姑志畧節者以備攷

一公署廨宇成化以前直書之已後畧識創修歲

月

一祠祀惟載祀與當然凡一切誦讀缺之

一採訪名宦以勸方來自秦置郡縣幾千八百年
於今賴之留名代不數人豈若是才難哉如宋
韓魏公亦守賴與程明道范文正泛舟西湖議
論甚關世教性理大全備載而賴中士人未聞
論及槩可知也故凡名著於賴無事跡亦錄之
一搜採人物惟於事文類聚氏揆大全

大明一統志有則述之近時科貢在所并錄無所擇

一州志前代無攷永樂中

詔郡縣纂錄潁州遺大而識小詳近而畧遠無所建
明不足傳示景泰中又嘗採錄既不能傳述舊
聞無所記載反詢私謬是以區區忘其鄙陋因
所見聞採而集之若夫體要詳備又有俟於博
雅君子

一集錄歐公詩文以見潁在前朝風土義盛故凡
干涉潁者一一錄之

潁州志凡例

終

東至亳縣界三百五里

庫邑縣地

黃河

亳縣
武平衛

衛

廢城縣

義門巡檢司

山泉城

陳州地

太和縣

北涼河
巡檢司

舊黃河

東至壽州固家橋百里

西至項城趙家渡二百里

添置縣處

廢界溝驛

廢運運所

廢和陽驛

廢細河驛

廢細河縣
廢屬

潁河

乳香堂

廢五縣

倉
巡檢司

西湖書院

△社稷

潁州察院
潁川儒學
古川

潁川驛
運運所

廢黃縣

北照

沽驛
城驛

廢鄆立縣

留陵驛

潁上縣
千石所

廢銅陽郡

谷河

桃花店
汶河

唐宅城

廢安縣

廢黃縣
息縣地

廢潁水縣

廢柳城鎮

廢霍縣

水臺

南照

廟臺

西正陽

河淮

南至固始縣界一百二十里